

1. UVOD

U samom uvodu je važno istaći promjene koje su se dešavale u bankarskom sistemu Bosne i Hercegovine. Bankarski sistem Bosne i Hercegovine je nastao iz bankarskog sistema SFRJ. On nije bio prilagođen uslovima zemalja u tranziciji, niti pojavi privatnih bankarskih i drugih finansijskih institucija. Dodatni problem je bio dio vanjskog duga bivše republike, kao i unutrašnji dug ,gdje najveći dio čini devizna štednja.

Period nakon ratnih sukoba je karakterističan po nelikvidnosti i nesolventnosti banaka. Banke su bile u državnom vlasništvu i česte su bile zloupotrebe sredstava banaka. Ukupna političko-ekonomska situacija u Bosni i Hercegovini u ovom periodu je još više odmagala bankarskom sektoru.

Prvi put je došlo do pravne regulacije bankarskog sektora Bosne i Hercegovine potpisivanjem Dejtonskog mirovnog sporazuma, koji nalaže vršenje daljih aktivnosti u bankarskom sektoru s ciljem reorganizacije ovog sektora.

1.1. Problem istraživanja

Kao problem istraživanja ovog rada postavlja se pitanje: „Kakvo je trenutno stanje u bankarskom sistemu Bosne i Hercegovine i kakvo je to stanje bilo kroz historiju?“

1.2. Cilj istraživanja

Cilj ovog rada je naučni, tj. da se pruži opći uvid u banke i bankarski sistem Bosne i Hercegovine.

1.3. Hipoteza rada

U istraživanju se polazi od glavne hipoteze da se slika bankarskog sistema Bosne i Hercegovine stabilizuje, kao i da u ovom sektoru dolazi do pozitivnih pomaka.

1.4. Struktura rada

Pored uvoda, zaključka i literature, kao sastavnih dijelova svakog rada, ovaj rad se sastoji iz još tri dijela. U prvom dijelu su obrađene glavne teorijske odrednice bankarskog sistema. Drugi dio je posvećen Centralnoj banci Bosne i Hercegovine, dok su u trećem dijelu obrađene poslovne performanse banaka Bosne i Hercegovine.